



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Acta Synodalia Dioecesana Ecclesiae Mediolanensis, Pars Secunda

Borromeo, Carlo

Brixiae, 1603

De Officio Praefectorum. Cap. VIII.

urn:nbn:de:hbz:466:1-11399

De Officio Praefectorum. Cap. VIII.

Primum eos, qui suae cure commissi fuerint, precibus ardentibus Deo commendent; ac illis omnibus in rebus praestent exemplo; caueantque maxime, ne illis aliquam offensionis causam praebant.

Superiores omni obseruantia colant, ac efficiant, ut quae a Rectore constituta fuerint, a clericis seruentur.

Sine fraude defectus clericorum Rectori significant: ac si quid de his praeterea Rector quaesierit, fideliter aperiant: ut quam facillime occurratur offensionibus, clericisque in disciplina, moribus, & studiis dirigantur.

Praefecti, mutua sese beneuolentia prosequantur.

Alter alterum moneat de ijs, quae ad illius Dormitorij administrationem expedire iudicauerit.

Cum de Dormitorio exeunt, si diutius absuturi fuerint, de eo Rectorem, aut Ministrum certiores faciant; nec verò exeant nisi iusta de causa.

Primi mane surgant, postremi vespere eant cubitum, claudantque ianuas cubuli, ac earum clauas apud se habeant, ne quisquam ipsis inscientibus possit ingredi.

Ne cum clericis suis villo modo contendant, aut contumelias eos afficiant; sed si quis contumax in parendo fuerit, ad Rectorem deferant.

Ne in Clericos sine facultate Rectoris animaduertant.

Ne quemquam priuato complectantur studio, neve in alicuius se insinuent familiaritatem; ut & omnes clerici, eos, decet vereantur, & ipsi maiore cum sinceritate, ac libertate, officij sui partes exequantur.

Si quis alium ex praefectis negligentiorum in suo munere animaduertit, ac praecipue in rebus grauioribus, eum Rectori denunciet.

Constitutiones Seminarij generales exacte teneant, ut facilius sit illis administrationis ratio: si quis eas aliquo modo violet, eum denunciet; ac ipsi praeter ceteros, ijs quam diligentissime praestent; ac si quid aliud Rector, aut ge-

neratim, aut ipsis peculiariter praecipuerit, id studiosè praestent; ut non minus exemplo, quam verbis clericos ad eadem seruanda incitent.

Quae Praefectorum munus est praestare, & ad rectam Seminarij administrationem spectant, ea ne alter in alterum reiiciat.

Curent diligenter, ut clerici, quae debent obseruantia, & reuerentia, superiores colant.

Efficiant, ut ab ijs vbicunque fuerint, modestiae ratio habeatur, publice praestent, tum maxime in Ecclesia, & in Choro.

Rectorem certiores faciant de ijs, qui eo die de cubiculo, vel de Seminario exierint; quod ut illis facilius sit, singulorum nomina in tabella descripta habeant.

Singulis diebus festis indicem conficiant, in quo nomina clericorum sui Dormitorij, qui eo die sanctissimam Eucharistiam sumpsissent, describant, eumque Rectori exhibeant.

Vnusquisque signarium apud se habeat, ut cum opus fuerit, ad accendendas lampades, si quando noctu extinguantur, ignem eliciant.

Saepe clericos in locis suis visitent, an statis temporibus orationi, & studio vacent, animaduertant.

Si quem officio suo deesse compererint, notent.

Singulis diebus, vel alternis saltem, vespere, quidquid in dormitorijs suis contigerit, scriptum Rectori exhibeant, ac singulis diebus Sabbati, quae paranda erunt in Dormitorijs, significant.

Curent, ut diligenter ab vnoquoque sternantur lecti, nec super eos vestes, libri, aut alia quae libet ponantur; ut superpellicea singulis mensibus lauatur; vnaquaque hebdomada tonsura ad formam accommodetur.

Prouideant, ut de Dormitorio quotidie sordeseuertatur, caueantque ne tabulae frangantur, aut parietes deturpentur.

Ne permittant, ut quisquam mane, antequam signum campanae datum fuerit, surgat; curatque Vespere, ut examine conscientia perfecto, post quartam horae partem omnes in lecto sint: si quis non paruerit, Rectorem moneant.

Matu-

Matutino, & Vespertino tempore, cum clerici ad latrinas eunt, illos aliquando obseruent, studeantque si fieri possit, vt soli eant, ac ibi noctu lucernam accendi curent.

Cum aliquis ad res communes cum ceteris non conuenerit, & a communi cœtu abfuerit, si vbi sit ignorent, cum per se, aut per alium fidelem querant.

Si quid alicui clericorum, ad victum, & cultum, aut ad valetudinem opus esse cognouerint, superiorem moneant.

Notent eos, qui literas ad alios scribunt, itemque eos, qui nimia familiaritate inter se vtuntur, aut quos existimant in cubiculo, vel in consuetudine esse separandos, de que ijs Rectorem commonefaciant.

Temporibus orationi, & studijs dicitis, ne ambulent ipsi in Dormitorio, neque alios ambulare sinant, aut quavis ratione tumultum fieri, aut quemquam loci qui non nisi urgente necessitate, idque submissa voce, & latine.

Cum aliquis a recreationis loco, aliozve cœtu discendendi veniam petet, si diutius sit absfuturus. (præterquam si ad ianuam de Rectore licentia vocetur) potestatem ne faciant, sed ad superiorem pro facultate obtinenda mittant, caueat autem, nec duos vnquam solos, quouis abire permittant.

Cum animi relaxandi gratia deambulationem clericis mittantur, videant, ne tumultuosè vociferentur; ne alij ab alijs secedant; ne aliquid ad comedendum emanent; ne lapides iaciant, aut alia contra, aut præter decorum admittant; neque ijs ludis vtantur, qui constitutionibus Seminarij prohibentur: Curent autem, vt moderata deambulatione corpus exerceant.

Clericos è Dormitorio exeuntes committentur, nec permittant, vt in reditu à gymnasijs, aut alio quouis loco, ex æternis se ingerant, aut cum ijs commoventur.

Nemini ad alterius locum eundi veniam concedant, nisi iusta de causa, siubi que probata.

Interdum etiam inuestigent, an Ianitores vocandi à Rectore veniam obtinerint.

Sive in loco recreationi assignato, siue alibi clerici fuerint, ipsi præsentibus adsint.

Examine Vesperis absoluto, curent luminaria omnia; præter lampades in Dormitorio alijsque locis, extinguunt.

Præfetti, qui alijs discendentibus dormi manserint, clericos omnes, qui non exierint; cuiuscunque cubiculi sint, commendatos habeant.

Si qua in re à Rectore obiurgati fuerint, æquo animo ferant, ac pœnas ab eo iniunctas promptè persoluant.

De Bibliotheca, eiusque Præfecto.
Cap. I X.

Certus constituatur in Seminario Bibliothecæ locus, vbi volumina, librique omnes asseruentur.

In ea armaria aliquot exstruantur, in iisdem libri, ac volumina, nõ aceruatim, sed ordine disponantur.

Index præterea fiat, in quo pro disciplinarum genere, aut pro alphabeti ratione, volumina singula, notentur, addito etiam loco impressionis, & forma voluminis.

Isque index certo loco in perpetuum asseruetur, notatis etiã deinceps ordine alijs libris, quicunque in posterum eidem Bibliothecæ quouis modo accesserint.

Constituatur aut aliquis, qui eiusdem Bibliothecæ curæ diligenter præsit. Is libros oēs à sordibus incorruptos cõseruet; puluerem si quando adhaerit, excuti curet; tum etiam diligenter caueat, ne libri humiditate corrumpantur, vel à muribus corrodantur.

A Rectore etiam obtineat, vt volumina, quæ pro vetustate, carie siue obsolescent, Librario opere poliantur; dissoluta, & malè compacta, conglutinentur; ab operculo nuda, asseribus, coriove tegantur.

Indicem conficiat librorum omnium, quos ex bibliotheca de mandato Rectoris ludi Magistris, aut alijs accommodabit; eosque cum reddiderint, expungat; quos autem clericis accommodauerit, eos singulis saltem sex mensibus (nisi forte citius propter alicuius discessum aliamve causam id faciendum sit) sibij

reddat.